



Ruj. Kami : JPWPKL.600-3/4/16 (26)
Tarikh : 13 Julai 2021

Pengarah Program,
Green Growth Asia Foundation,
No.21-2, Jalan Dr 1, Taman Delima,
75150 Bukit Baru,
Melaka.

Tuan,

KEBENARAN MENGADAKAN PERTANDINGAN *NATIONAL YOUNG REPORTERS FOR THE ENVIRONMENT (NYRE)* TAHUN 2021 SECARA DALAM TALIAN

Dengan segala hormatnya perkara di atas dirujuk dan **e-mel Green Growth Asia Foundation bertarikh 2 Julai 2021** adalah berkaitan.

2. Dimaklumkan bahawa pihak Jabatan Pendidikan Wilayah Persekutuan Kuala Lumpur (JPWPKL) telah menerima dan meneliti permohonan pelaksanaan aktiviti tersebut daripada pihak tuan. Pihak JPWPKL mengalu-alukan kerjasama dengan agensi kerajaan dan agensi bukan kerajaan dalam pembangunan program di negeri ini.

3. Walau bagaimanapun, berikutan kesan penularan jangkitan *Novel Coronavirus (COVID-19)* yang melanda negara ini, penjarakan fizikal merupakan salah satu prosedur yang perlu dipatuhi dalam normal baharu. Sehubungan dengan itu, pihak JPWPKL **tiada halangan** untuk memberi kebenaran kepada pihak tuan bagi menganjurkan **Pertandingan *National Young Reporters For The Environment (NYRE)* Tahun 2021 Secara Dalam Talian**. Pihak tuan dimohon untuk memastikan perkara-perkara berikut dipatuhi;

- 3.1 Mendapatkan kebenaran Pengetua/Guru Besar bagi penyertaan guru dan murid;
- 3.2 Melaksanakan aktiviti dengan menggunakan kemajuan teknologi serta kemudahan platform seperti **WhatsApp, Instagram, Facebook, Telegram** / aplikasi lain seperti **MEET** atau **Webex**;
- 3.3 Semua aktiviti secara bersemuka dan berkumpul serta melibatkan sentuhan adalah **tidak dibenarkan** sehingga ke suatu tarikh yang akan dimaklumkan;
- 3.4 Sekiranya aktiviti memerlukan bantuan pihak lain, kerja berkumpul hanya dibenarkan dalam kalangan ahli keluarga peserta sahaja tertakluk kepada syarat yang ditetapkan penganjur;
- 3.5 Penyertaan guru/murid hendaklah secara sukarela dan mendapat kebenaran daripada ibu bapa atau penjaga;
- 3.6 Selaras dengan pelaksanaan Pendidikan Sivik yang masih berkuatkuasa di semua sekolah di bawah KPM, penganjur dimohon untuk memastikan kesedaran sivik dan amalan nilai murni dapat terus dijadikan sebagai salah satu perkara wajib diterapkan dalam aktiviti/persembahan murid;

...2/-

- 3.7 **Tiada implikasi kewangan kepada JPWPKL, Pejabat Pendidikan Daerah, sekolah, guru dan murid yang terlibat;**
- 3.8 Surat kebenaran/kelulusan ini tidak boleh digunapakai bagi maksud untuk mendapatkan sumbangan dan tajaan daripada mana-mana pihak berkenaan.
- 3.9 Pihak JPWPKL berhak menarik balik surat kelulusan/kebenaran sekiranya pihak tuan gagal mematuhi syarat dan peraturan yang ditetapkan atau bercanggah dengan dasar KPM yang sedang berkuatkuasa.

4. Kebenaran ini adalah untuk program yang dinyatakan dalam perancangan tersebut dan tamat tempohnya selepas tarikh **31 Oktober 2021**. Jika terdapat sebarang pertanyaan, pihak tuan boleh menghubungi **Encik Mohamed Reza bin Aliasad, Penolong Pengarah, Unit Pembangunan Bakat Murid, Sektor Pembangunan Murid, Jabatan Pendidikan Wilayah Persekutuan Kuala Lumpur (JPWPKL)** di talian **03-62046095 / 012-6594158**.


Kerjasama dan perhatian tuan berhubung perkara ini amat dihargai dan didahului dengan ucapan terima kasih.

Sekian.

“PRIHATIN RAKYAT: DARURAT MEMERANGI COVID-19”

“BERKHIDMAT UNTUK NEGARA”

Saya yang menjalankan amanah,



(MOHD NAJIB BIN AB. RAHMAN, KMW)

Timbalan Pengarah Pendidikan

Sektor Perancangan dan Pengurusan PPD

b.p. Pengarah Pendidikan

Jabatan Pendidikan Wilayah Persekutuan Kuala Lumpur